

靈寶領教濟度金書卷之一百三十五

洞微高士開元救苦真人審本具校
靈寶通玄教救水南先生林聖真編

科儀完成品師友命過者用

設真靈醮儀

燒香頌

各禮師存念如法

衛靈

鳴法鼓二十四道

發爐

謹稱法位

具位臣某謹重誠上啓臣以宿慶欣逢玄樞
快觀憲天宏道宣德承符超度先亡和安見
在職守攸繫匪敢怠荒凡有皈投理宜關告
今有故三洞弟子某某半生學道勵志耽玄仙
品未充運應滅度臣等思隆師友盡聲哀誠
爰潔壇場肅伸薦拔三朝行道十徧轉經曲
荷天恩俯從人欲齋懺備舉經法周圓故三
洞弟子某某離異都登名來府靖惟所自實
拜陶銘環草情鍾若為報稱敢陳滄祭肅輅

聽遊伏願羽蓋瓊輪翻翻止丹輿綠輦絡
繹齋臨三不職司十華仙聖翼轅乘格副
翹傾臣下情無任祈恩伺命之至謹稽首再
拜奏請

謹奉降

太上元極大道虛元自然元始天尊太上大
道君太上老君十方靈寶天尊三寶丈人三
寶天君伏乞應感分輝降臨醮座

謹奉降

昊天玉皇上帝紫微大帝天皇大帝五方五
老上帝三十二天上帝百炁天君木公金母
諸天眾聖天具大神上聖高尊伏乞應感分
輝降臨醮座

謹奉降

太陽太陰五星道君五斗星君二十八宿星
君南斗六司真君北斗七元真君瓊璣玉衡
周天星象伏乞應感分輝降臨醮座

謹奉降

諸天丞相南昌上官韓司主錄監生大神度
人不死尊神南極長生大君度世司馬大神

好生韓君丈人南上司命司錄延壽香華度
厄尊神迴骸起死無量度人君伏乞應感分
輝降臨醮座

謹奉降

青帝護真君白帝侍魂君赤帝養炁君黑帝
通血君黃帝中主君五天五帝大魔王三界
大魔王十方元極飛天神王長生大聖无量
度人君飛天神人飛天使者飛天騎吏伏乞
應感分輝降臨醮座

謹奉降

三十六部尊經玄都紫微上宮侍經玉郎玉
童玉女典禁靈妃神仙騎吏三洞威神三寶
官屬伏乞應感分輝降臨醮座

謹奉降

玄中大法師三天大法師天真皇人妙行真
人玄一三真人太虛真人太極左宮仙翁沖
應真君名山洞府領教真仙得道聖衆本靖
祖玄真經籍度三師真人伏乞應感分輝降
臨醮座

謹奉降

靈寶三十二天玉童玉女功曹使者直符香
官五方五靈玉童玉女諸天飛龍騎吏三洞
天地神真日月星宿江河湖海嶽瀆九官五
帝兵馬乘騎伏乞應感分輝降臨醮座
謹奉降

靈寶領仙監齋諸君吏六部治職仙官赫奕
仙曹施用仙曹三界所向仙曹仙靈官吏伏
乞應感分輝降臨醮座
謹奉降

靈寶玄壇香官使者左右龍虎君四直玉文
功曹三界直符使者直壇土地虛空監察應
感真靈伏乞應感分輝降臨醮座
初獻

臣謹重誠上啓臣以天既下臨洞輔降世驚
圖鳳牒昭布寰瀛度死濟生玄恩罔極幸承
覆載獲親真宗佩奉修持禮天無數期敷帝
澤膺福存亡上暢宸息下提民瘼故三洞弟
子其幸依道化一志奉行設醮建齋驅魔遣
癘上章拜表誦經朝元律按威儀寧無違戾
格存俯仰易致謬差誠錯是非敬奉向背揆

諸條令難免謫訶度世延生未臻奸術形神
分散遠謝世緣臣等永言孝思不堪哀慕恐
墮幽次莫測升沉輒按典儀修崇齋事更遵
寶式行香誦經曲荷慈悲溥垂景佑懺罪罪
滅祈福福生無量劫來過咎深淺悉蒙原赦

清淨身心超離苦途普登善地回散起死受
化更生南昌受書東華定策紀錄功績永為
種民萬歲千秋迢遙仙路鴻恩曷報蟻悃勤
拳敢奉蘋蘩庸仲若敬伏異高具日監萬聖
時歆采菲采葑將垂慈鑒臣不勝虔祝之至
稽首再拜

臣謹重誠上啓臣以視聽自民鑒觀有異災
祥在德應感無遺故三洞弟子其既拜恩綸
獲逃言責今生學道期立微功伏願曲赦頌
春龍禧普被賜今枯朽即獲道達申錫三官
告命五帝疾除罪簿落滅惡根保舉上仙遊
行三界膺符受職度上南宮千齡一朝永無
輪轉皆如經旨不負詵嚴臣幸忝修真學奉
至道希夷離俗寧無顧懷所冀元胎垂慈虛

皇曲憫濟為覆陰慰此至心庶得學道遂成
頓超世網乘晨跡景早證明師丹華書名青
編紀善即圓勳行疾悟真常頓超無為水辭
有漏蒙如丹悃允拜玄思上願科教與行經
法流演洞輪通暢道德宣明覆載清寧儀璘

煥耀風雲載靜雨露滋榮草木蕃鮮山川秀
潤蟲魚樂育鳥獸孳生盜賊消除人民安泰
田多嘉穀野絕遊農六道停輪三途罷對善
天率土陽域陰郊均拜恩榮悉皆慶溢臣不
勝虔祝之至

臣謹重誠上啓臣以大禮必簡至敬無文餐
帝貴嚴事天以實三周其獻至馨忱恂一念
敷陳備彈衷素以今聲沉玉籟香冷金盃斗
轉參橫漏殘夜永法事粗悉駕將旋仰望
霓旌已飛天表臣等莫攀法從惟劇神馳升
卑之恩乞垂玄祐臣不勝瞻依激切屏營之
至謹稽首再拜奉送

復鑑

靈寶領教濟度金書卷之一百三十五

靈寶領教濟度金書卷之一百三十六 閱五

洞微高士開光啟告真人審金具校
靈寶道安弘教水南先生林靈真編

科儀立成品析樣通用

分燈儀

法師詣三寶前

具位巨某誠惶誠恐稽首頓首再拜奏啓

太上無極大道玉清聖境元始天尊上清真

境靈寶天尊太清仙境道德天尊恭望

道慈俯垂省錄巨聞陰陽剖判陽光高映於

玄虛晝夜循環夜色低迷於寥廓况居濁世

動涉昏衢非陶三景之靈芒曷破十華之幽

暗是以帝師曲憫仙聖弘慈散談流光萬瓊

音於回耀垂華示象揚玉籙於明燈金籙著

消災懺罪之儀瓊房隱內觀求仙之旨中華

五臟外燭百形上晃朗於層霄下陸離於案

域祛陰開夜續晝遠陽蕤妙用以難明赫

赫神功而普被今齋主某崇建某齋遵依科

範建立玄場敷蓮炬於十門列蘭膏於四界

紫宸請命希垂無極之神輝丹闕疏恩冀削

有生之陰障伏願玉毫遠照金相流華仗三

氣之真符按九光之聖彩煌煌散景太空之

星斗交羅燦燦凝煙遙漢之虹霓隱映且天

徹地達暗生明迎陽福以召禎祥驅陰符而

度厄難由茲慧燭遍照迷途躡空洞以仙飛

形神俱妙感虛無而朗徹性命合真加持燈

光稱揚寶鏡

大聖道寶天尊

大聖經寶天尊

大聖師寶天尊

法師秉燈在手宣明燈咒

元始開圖九陽吐精虛無一炁光耀天經

流明太空日月華燈羽章披朗蕩蕩玉清

金華映霄玉芝自生降光照夜朱陽煥升

玄精隱伏華象開明神燈洞景離羅長庚

削滅九陰輝光散英上徹福堂下燭幽局

中明室宅罪滅福興八景齊到萬願成并

冤鬼自然道真達靈却除死籍注上生名

消災除厄邪怪潛形度身仙籍七祖飛騰

神明侍衛流慶家庭華燈一照身宅光明